

10

Էրազմուս+
հարց ու պատասխան
ուսանողների և երիտասարդների
համար



Հայաստանում
Էրազմուս+
ազգային գրասենյակ

2019թ. երևան

Ինչպե՞ս կարող եմ սովորել Եվրոպայում Եվրամիության աջակցությամբ



Ցանկանում ես սովորել արտերկրում, բայց քեզ մտահոգում են ուսման հետ կապված մեծ ծախսերը, օտար լեզվի իմացության պահանջները, դիմումի բարդ ընթացակարգերը: Մտահոգվելու կարիք չկա. Երազմուս+ ծրագիրը ֆինանսական աջակցություն է տրամադրում երիտասարդներին՝ արտերկրում կարճաժամկետ և երկարաժամկետ ուսում ստանալու, միջազգային երիտասարդական միջոցառումներին մասնակցելու և նույնիսկ պրակտիկա անցնելու ուղղությամբ:



Հայաստանում Երազմուս+ ազգային գրասենյակը պատրաստել է հաճախակի տրվող 10 հարց և պատասխան, որոնք հայ երիտասարդներին կօգնեն հեշտությամբ ընկալել Երազմուս+ ծրագրի առաջարկների յուրահատկությունները և կաջակցեն դիմելու գործընթացում:

Մեր նպատակն է հնարավորինս պարզ և հստակ տեղեկատվության միջոցով ուղղորդել պոտենցիալ դիմորդին, ինչպես նաև տրամադրված հղումների ու կոնտակտների միջոցով աջակցել ծրագրի մասին լիարժեք տեղեկատվության տարածմանը:





Ցանկանում եմ սովորել Եվրոպայում, բայց դրամական միջոցներ չունեմ: Կարո՞ղ է Էրազմուս+ ծրագիրն ինձ աջակցել:



Այո, կարող է: Այս ծրագրի միջոցով ԵՄ-ն առաջարկում է ուսանողական փոխանակումներ (Միջազգային կրեդիտային շարժունություն) եվրոպական բուհերում բակալավրիատի, մագիստրատուրայի և ասպիրանտուրայի կրթական մակարդակներում: Փոխանակումները կազմում են Ձեր ուսումնական ծրագրի մի մասը և կարող են տևել 3-ից 12 ամիս: Կրթաթոշակը կհոգա Ձեր ճամփորդական և կեցության ծախսերը:

Եթե Դուք այլևս ուսանող չեք և ցանկանում եք շարունակել ուսումը արտերկրում, ապա կարող եք դիմել Էրազմուս Մոնդուս ամբողջական կրթաթոշակների՝ երկու և ավելի առաջատար եվրոպական բուհերում մագիստրոսի աստիճան ձեռք բերելու և կրկնակի կամ համատեղ դիպլոմ ստանալու նպատակով: Կրթաթոշակի գումարը կարող է հասնել տարեկան 25,000 եվրոյի:



Կարծես թե Էրազմուս+-ը հենց ինձ համար է, բայց ինչպե՞ս կարող եմ դիմել:



Միջազգային կրեդիտային շարժունության ծրագրին մասնակցելու համար այցելեք Ձեր համալսարանի Միջազգային կապերի գրասենյակ, որտեղ կտեղեկացնեն, թե Ձեր մասնագիտության շրջանակներում ինչ առաջարկներ կան, և կօգնեն դիմում ներկայացնել: Հետևեք նաև Էրազմուս+ շարժունության հնարավորությունների մասին հայտարարություններին Ձեր համալսարանի կայքում և սոցիալական էջերում:

Էրազմուս Մոնդուս ամբողջական կրթաթոշակի համար անհրաժեշտ է ուսումնասիրել համատեղ մագիստրոսական ծրագրերի կատալոգը, որը տրամադրում է առաջիկա ուսումնական տարում կրթաթոշակներ առաջարկող դասընթացների ցանկը: Այնուհետև հարկավոր է այցելել ընտրված մագիստրոսական ծրագրի կայքը՝ վերջնաժամկետը ստուգելու, պահանջներին ծանոթանալու և դիմելու նպատակով: Բոլոր ծրագրերը պահանջում են ներկայացնել դիմումներ յուրաքանչյուր տարվա սեպտեմբեր-հոկտեմբեր և հունվար-փետրվար ամիսների միջև ընկած ժամանակահատվածում:

Հայաստանում Էրազմուս+ ազգային գրասենյակը Ձեզ կօգնի ստանալ բոլոր լրացուցիչ հարցերի պատասխանները:

Մանրամասների համար կարող եք ուսումնասիրել մեր կայքի (www.erasmusplus.am) «Կրթաթոշակներ» մեկուն, նամակ ուղարկել info@erasmusplus.am էլեկտրոնային հասցեին կամ զանգահարել **+374 10 580963** հեռախոսահամարով:



Կարո՞ղ եմ մասնակցել Էրազմուս+ փոխանակ-մանը, եթե իմ համալսարանը արտասահմանյան համալսարանի հետ համաձայնագիր չունի:



Առանց միջինստիտուցիոնալ համաձայնագրի երկու համալսարանների միջև, Դուք չեք կարող մասնակցել Էրազմուս+ փոխանակմանը: Այնուամենայնիվ, Դուք կարող եք դիմել Էրազմուս Մուևդուս համատեղ մագիստրոսական ծրագրերին, եթե արդեն ունեք բակալավրի դիպլոմ: Պահանջների, ժամանակացույցի և դիմելու ընթացակարգի մասին լրացուցիչ տեղեկություններ ստանալու համար խնդրում ենք այցելել մեր կայք (տես կետ 2-ը):



Իսկ օտար լեզուների իմացության հետ կապված ինչպիսի՞ պահանջներ կան: Անգլերենի իմացու-թյունը հաստատող վկայագրի կարիք ունե՞մ:



Հիշեք, որ Էրազմուս+-ին մասնակցելը նշանակում է, որ Դուք պետք է կարողանաք ուսուցման լեզվով հետևել դասախոսություններին, պատրաստել գրավոր աշխատանքներ և քննություններ հանձնել: Շատ հաճախ ուսուցման լեզուն անգլերենն է:

Փոխանակման դեպքում դա կախված է նրանից, թե որ երկրում եք սովորելու և ինչ լեզվով են դասավանդելու: Որոշ փոխանակումներ առաջարկում են դասընթացներ անգլերենով, իսկ մյուսները՝ տեղական լեզուներով: Եթե չունեք դասավանդող լեզվի որակավորում, ապա այդ լեզվի մակարդակը գնահատելու համար Ձեզանից կպահանջվի քննություն հանձնել: Մինչև մեկնելը փոխանակմանը մասնակցող բոլոր ուսանողները իրենց համալսարաններում հանձնում են անգլերեն լեզվի իմացության գնահատման թեստ:

Անգլերեն լեզվի միջազգային վկայագիրն, այնուամենայնիվ, անհրաժեշտ է Էրազմուս Մուևդուս կրթաթոշակներին դիմելիս: TOEFL iBT-ն կամ IELTS-ը լեզուների գնահատման ամենատարածված թեստեր են, որոնք պետք է հանձնել դիմումի վերջնաժամկետից առաջ:



Որքա՞ն կրթաթոշակ կարող եմ ստանալ:



Ուսանողական փոխանակումների համար ԵՄ-ն տրամադրում է մինչև 820* եվրո ճամփորդական և 800, 850 կամ 900 եվրո կենցաղյան ծախսերը հոգալու համար: Մագիստրոսական ծրագրերի դեպքում Էրազմուս Մուևդուս կրթաթոշակը կհոգա Ձեր բոլոր ծախսերը (ներառյալ ուսման վարձը, գրադարանային և լաբորատոր ծախսերն ու ամբողջական ապահովագրությունը): Այն նաև կփոխհատուցի Ձեր ճամփորդական և սոր երկրում հիմնվելու ծախսերը: Կրթաթոշակից բացի կտրամադրի 1000 եվրո ամենամսյա նպաստ ուսումնական ծրագրի ողջ տևողության ընթացքում:

* կախված Հայաստանի և հյուրընկալ երկրի միջև հեռավորությունից



Որպես ուսանող կարո՞ղ եմ մի քանի անգամ մասնակցել Էրազմուս+ փոխանակումների:



Էրազմուս+-ը ուսանողներին հնարավորություն է տալիս ավելի քան մեկ անգամ սովորել արտերկրում, քանի դեռ փոխանակման առավելագույն տևողության սահմանը (12 ամիս) չի գերազանցվել յուրաքանչյուր կրթական մակարդակի համար: Այնուամենայնիվ, հայկական բուհերի համար խրախուսելի է փոխանակման հնարավորություններ ընձեռել այն ուսանողներին, որոնք դեռևս չեն օգտվել շարժունությունից:



Ես Հայաստանի Հանրապետության քաղաքացի չեմ. կարո՞ղ եմ օգտվել Էրազմուս+ կրթաթոշակներից:



Միջազգային կրեդիտային շարժունության դեպքում, անկախ քաղաքացիությունից կամ ազգությունից, ցանկացած ուսանող (տեղացի կամ միջազգային), որ գրանցված է հայաստանյան բուհում, իրավասու է դիմել Էրազմուս+ փոխանակման ծրագրերին: Այնուամենայնիվ, կախված բուհի որդեգրած քաղաքականությունից, համալսարանը կարող է առաջնահերթությունը տալ տեղացի ուսանողներին:

Էրազմուս Մոնդուսի կրթաթոշակների դեպքում դիմորդները, ովքեր նախորդ 5 տարիների ընթացքում 12 ամսից ավել ապրել կամ սովորել են Շրագրային երկրներից որևէ մեկում (դրանք են՝ ԵՄ 28 անդամ պետությունները և 6 ոչ ԵՄ ծրագրային երկրները՝ Նախկին Հարավսլավական Մակեդոնիայի Հանրապետությունը, Իսլանդիան, Լիխտենշտեյնը, Նորվեգիան, Սերբիան և Թուրքիան), համարվում են Շրագրային երկրների դիմորդներ, ինչի պարագայում տրամադրվող կրթաթոշակի չափը զգալիորեն նվազում է:



Որո՞նք են Էրազմուս+-ի առավելությունները:



Բազմաթիվ միջազգային ուսումնասիրություններ ցույց են տվել, որ արտերկրում սովորելը կարող է մեծապես նպաստել անհատի անձնային և մասնագիտական զարգացմանը: Էրազմուս+ փոխանակման ծրագրերի մասնակիցները գնահատվում են իրենց միջանձնային կամ համընդհանուր հմտությունների շնորհիվ, այն է՝ ինքնակարգապահություն, օտար լեզվով սովորելու ունակություն, բազմազանության հանդեպ հարգանք, ճկունություն և այլն:

Եվ որն ամենակարևորն է, նրանք բազմաթիվ ընկերներ և սոր մասնագիտական հեռանկարներ են ձեռք բերում:

Երազմուս Մոնդուսի շրջանավարտները լավ վարձատրվող աշխատանք գտնելու, ավելի պատասխանատու պաշտոններ զբաղեցնելու և սեփական կազմակերպություն հիմնելու ավելի մեծ հնարավորություններ ունեն:

9 Կարո՞ղ եմ Երազմուս+-ով պրակտիկա անցնել արտերկրում: >

Այո, պրակտիկա անցնելու համար Դուք պետք է գրանցված լինեք որպես բակավաճիկատի, մագիստրատուրայի կամ ասպիրանտուրայի ուսանող: Ինչպես փոխանակման դեպքում, մայր բուհը պետք է ունենա Ձեր կրթական կարիքներին համապատասխան պրակտիկայի առաջարկներ: Այդ հնարավորությունների առկայությունը ճշտեք Ձեր համալսարանում: Այցելեք Ձեր բուհի Միջազգային կապերի գրասենյակ, որտեղ կտեղեկանաք, թե ինչ առաջարկներ կան Ձեր մասնագիտության շրջանակներում և ինչպես կարելի է դիմում ներկայացնել:

10 Ես ուսանող չեմ. կան արդյոք այլ հնարավորություններ ինձ համար: >

Այո, կան: Երազմուսը+-ը ոչ միայն ուսանողների, այլև բոլոր երիտասարդների ու երիտասարդական ոլորտի աշխատողների համար է: Սկսած 13 տարեկանից՝ հայ երիտասարդները կարող են ստանալ ֆինանսավորում՝ մասնակցելու երիտասարդական փոխանակման ծրագրերի, դասընթացների, քաղաքական քննարկումների, ինչպես նաև կամավորական աշխատանքների: Նշված հնարավորությունների մասին պաշտոնական տեղեկատվություն է տրամադրում Հայաստանում Erasmus+ Youth. Տեղեկատվական կենտրոնը, որի հետ կարող եք կապ հաստատել՝ այցելելով ֆեյսբուքյան էջ (www.facebook.com/EP.Armenia/), զանգահարելով +374 94 525254 հեռախոսահամարին կամ գրելով info.armenia@salto-youth.net էլեկտրոնային հասցեին:



Սույն գրքույկն արտացոլում է միայն այն հեղինակավոր կազմակերպության տեսակետները և որևէ կերպ չի արտահայտում Եվրոպական միության պաշտոնական կարծիքը: Եվրոպական հանձնաժողովը պատասխանատվություն չի կրում հրատարակության բովանդակության և օգտագործված աղբյուրների համար:

Հայաստանում Երազմուս+ ազգային գրասենյակ

Սարմենի փ. 82, 0019, Երևան, Հայաստան
+374 10 58 09 63

info@erasmusplus.am
program@erasmusplus.am
erasmusplus.am
neoarm

